

清江縣志卷之十七

列女一

唐魏徵曰臣願爲良臣毋爲忠臣謂苦節不可貴耳婦人以節著不幸事也鞏悅有何學問而天以奇窮頓挫之偏能力與天持操冰礪雪此與忠臣之矢死靡悔者胡以異逮其後貞珉不朽綽楔旌廬慰膝下之有鳳毛而陳情可表則又天之所以厚報之雖丈夫難與比節云撰列女志

晉

陶侃母湛氏新淦

今樟樹鎮

人初侃父丹聘爲妾生侃而陶

氏貧賤湛氏每紡績資給之使交結勝己侃少爲尋陽



不可貴

不可貴

不可貴

不可貴

不可貴

不可貴

不可貴

不可貴

不可貴

清江縣志 卷一
縣吏嘗監魚梁以一坵鮓遺母母封鮓及書責侃曰爾
爲吏以官物遺我非惟不能益吾乃以增吾憂矣鄱陽
孝廉范逵寓宿於侃時大雪母乃撒所臥新薦自剉給
其馬又密截髮賣與鄰人供肴饌逵聞之歎曰非此母
不生此子侃竟以功名顯 晉書

按湛歸陶丹丹尋陽人婦人從夫不應仍入清江
列女以學宮旣祠節孝未便刪去然於義終未安
也

南唐

魯氏不知何許人相傳清江未建郡縣時有魯姓者居
風義巷一日寇至人皆奔竄魯抱長子而反提其幼子
行不能前寇怪問故魯曰幼子妾所生長子前室所生
夫亡時命妾善視之寇感歎稱爲義婦厚遺而去因榜
其地曰風義 白志

鄧志曰按輿地紀勝魯氏作曾氏廣輿記以魯氏
爲清江人蓋亦從後追書之耳

宋

陳氏新淦人幼賢慧爲父鄩鍾愛清江劉式游學新淦
鄩見妻之式爲郎中卒或勸陳多置產爲長久計陳歎
曰丈夫官貧藏書數千卷遺後此墨莊也安事隴畝諸
子習學有怠則爲不食繇是諸子能植立海陵胡瑗敍
其事長子蚤卒四子繼登第皆爲郎官孫二十有五人

皆雍容豈弟縉紳稱爲郎官家云 豫章書

按陳氏下秦志載謝小娥鄧志以類唐段居貞妻謝小娥事復取唐書本傳附錄於後考秦志云謝小娥不知何許人父爲廣州兵官部押金銀入京攜家附舟過蕭灘二里許遇盜是遇盜於蕭灘而實非蕭灘人鄧志云謝小娥洪州豫章人時豫章所屬甚廣亦不定爲清江今移謝小娥置雜志而節去段居貞妻謝小娥事庶不致自紊其例云

元

廖氏名淑貞新喻人適郡城談采采父濟爲零陵縣尹病劇采泣於天請以身代父病尋愈而采死廖年二十

七矢事舅姑且教二子長逢辰爲來安縣學正次逢原爲鰲溪書院山長虞集爲作談孝子廖節婦墓銘天厯中詔旌其門采從弟道亨力學爲濂溪書院山長陞贛州路儒學教授子逢泰字元凱當壬辰之亂率義兵禦寇於城外戰不勝死之人以爲一門孝義云 府志

陳氏筠陽人年十七歸臨江萬戶楊士安之弟士宣士宣爲保定千戶戍封州以卒母趙氏瞽不能視陳年二十一誓不他適養其姑八十餘以天年終喪塋無違禮部使者以聞詔旌表其門復其家虞集爲作貞節堂記同上

明

范氏栲之孫博通經史洪武初召爲女史授孺人爲宮中姆師一日朝高后后問前代后孰賢家法孰正范以宋對因命錄進更誦聽之凡降內制多范爲定後請老弗許因題扇所繪老嫗騎牛吹笛圖高后覽之遂放歸詩見雜記

秦志

皮氏名能貞皮恆鼎女幼許歸新喻庠生符敬及笄敬卒遂不食卧泣數日誓不再適父母欲奪其志乃密遣敬父母以衾鞋曰妾受符聘雖未歸終身爲符妾也恐有不諱無以明志是夕密自縊

豫章書

李氏熊恆順妻歸熊三年夫卒李年十八無子父母數令改嫁李以死自誓乃鞠從孫瞻繡爲後紡績自給年

八十餘卒

秦志

鄧志曰舊志李氏之後有蕭嘉迪妻廖氏弟嘉聞妻羅氏如婢俱年二十餘守節養舅姑成化間旌表但蕭嘉迪兄弟爲新淦人廖羅應入新淦志舊志因廖母家爲清江而錄之今未便仍其誤

嚴氏嚴孟端女適同里黃時訓年二十七而寡清修苦節始終不渝成化間詔旌其門

同上

彭氏縣學生熊斐妻貧而好學織紉給之不告劬勤正德辛未華林賊入城彭被執以刃懼之終不爲動賊知不可奪始刃之罵不絕口死提學副使李夢陽聞於朝先立石旌表復詔旌其門邑人敖英爲之傳孫偉誌

其墓

同上

易氏縣學生鄧介妻正德乙亥盜入介室易奔出遇賊盡脫簪珥賊執不舍欲汚之易給與行賊不爲備至江濱赴水未死賊追刃之

明書

陳氏杜氏陳爲清江城北陳廷瓚女杜則廷瓚子德純妻陳甫及笄華林賊至奔赴李家塘賊拽入鄰居欲汚之相持愈力罵不絕口俱刃之而棄於水

豫章書

邵氏劉清徹妻年二十清徹死邵撫孤守節正德間華林賊入城邵走匿孔家塘賊拽之登岸邵匍伏於水堅不行賊怒殺之

熊氏劉清渭妻邵氏妯娌也華林賊至清渭寢疾垂絕家人悉奔竄惟熊在清渭旁賊掠其貲擁之出戶乃抱幼子僞隨賊行至李隆德塘置子於水涯自投於水水淺不得溺以泥汚面目且罵且拒賊殺之旣死子猶伏屍傍飲其乳鄰人曾魁憐而抱歸育之

翁氏劉淮妻華林賊至家人皆走匿淮病不能興謂翁當避翁曰君或不諱我何以生爲乃盡其貲與賊賊猶繫至鄰寺翁仆地不行遂遇害

以上俱秦志

楊氏蕭朝錦妻年十九朝錦歿矢志撫孤繼姑欲奪其志楊斷枕擲庭中以死誓年八十卒子以裕仕至鹽運同知孫宏緒登鄉薦人謂貞節之報焉

府志

劉氏名淑貞李彥清妻年二十六彥清坐緩輪沒於京

蕭楊氏
新志作
蕭在新



姑老子六歲劉誓不再適族利其產嘗恣侵侮氏始終不渝節云

熊氏適同里黃寬爲慶元儒學訓導未赴卒熊年二十五遺孤黃蘭生七月人或諷之更適卽號訴曰故夫忝風教官吾豈甘爲狗彘耶守制五十餘年終

伍氏龔祿妻祿死伍年二十五遺孤二家有利產逼嫁者伍矢志不從紡績自給迨奉翁姑養與葬無違禮居四十餘年卒

鄧志曰舊志伍氏後有旌節敖氏年十九守節鞠遺孤章錦後爲崖州知州然敖以清江而適新喻例不應載清江志故未便沿舊志之誤

吳氏杜氏吳聶元妻杜則元弟祥妻也元卒於商吳年方二十六解簪珥迎旅櫬歸葬撫遺孤璧有成事翁學正榮姑黃氏始終一以禮貞操無閒言祥故時杜年方二十九亦貞白自勵事聞詔旌其門曰雙節

龔氏熊鵬妻嘉靖四十四年流賊劫掠村落龔抱一歲兒出避被執驅以行龔罵賊不肯行賊怒背刃懼之罵益力賊以槊本戳其脇死乳兒在懷中竟同死族人知州一鵬賢而哀之爲立傳

杜氏舉人王貴蘭妻貴蘭會試卒於京杜年二十一聞變痛哭終日不食欲死家人謹備之或諷之改嫁輒悲號曰吾夫行千萬語以始付妾妾背之他日死何以見

夫於地下耶窮且益堅孝養備至育夫兄幼子為嗣紡績課之年七十卒

鍾氏楊中達妻中達商楚卒鍾年二十六聞訃哀號欲絕立木主室中抱孤哭且奠且暮以為常時姑黃氏亦嫠居織布鬻珥為養郡守馬文學題其堂曰貞慈年九十餘

葉氏黃一和妻一和死葉年二十二矢志不二家故貧養姑撫孤紡績自營年七十卒嘉靖間奏旌

鄭氏劉氏鄭邑庠生黃睿妻睿死鄭年二十一守節年至七十餘萬厯間旌劉雷冲禮府志作冲禮妻冲禮死劉年

二十七守節年至八十餘

陳氏土塘羅某妻嘉靖辛酉粵寇流劫至清江河以東殺掠幾遍陳氏為賊所執逼汚不從遂遇害方伯熊達表其閭曰孤村貞烈俱秦志

廖氏閭山黃會卿妻嘉靖辛酉為流寇所執脇以刃欲汚之不從罵賊而死以無子黃氏祀之於宗

鄧志曰舊志廖氏闕夫名并失載時世今據黃氏家傳補

蔡氏澧州人適清江關遵通遵通歿於澧氏年二十四遺腹生子矢志撫孤萬厯乙酉氏年六十二卒同族關容光妻敖氏年二十六容光客死廣西氏鞠二孤成立崇正丁丑氏年七十二卒里人金士升並為傳贊據家

皮氏黃裳妻裳爲黨正故破產且時爲胥徒折辱忿自溺死氏年三十二號慟幾絕誓以身殉翁姑諭以大義始忍死盡孝養力貧支憊以教其子子騰達負俊才崇正丙子爲鄉舉第一人始解頤曰此未亡人志也未幾卒年六十四

秦志

劉氏陳世任妻世任爲藩掾病卒劉紡紉以給其孤凡二十四年如一日子尙齡後爲縣庠生

李氏金祿元妻年十六歸金五載舉二子祿元際卒李撫子養舅姑四十年不辭勞瘁里人賢之上其事於郡邑長私謚之曰節孝

張氏周諤妻諤以天啟辛酉中副榜抑鬱而歿張守節撫孤崇正間旌有司致餼終其身

何氏字蘭適郡庠生陳允奎崇正間左良玉援宜春分兵抄掠婦女何氏與夫及幼子皆被獲見道旁井將投之慮夫與子在此必皆見殺行二里許抵吉塘村賊釋夫傳令去挾氏將犯之氏不從以石破額血覆面兵刃之仆地一夕蘇襁褓兒尙在匍匐抵家家人驚泣氏以兒授姑曰此三世單傳之子姑善視之婦從此逝矣翁姑解之氏曰吾親受兇人詈叱義當死不死誰知吾心者竟自縊太守毛公命建祠祀於其鄉里人私謚曰孝

吳氏名玉貞聶士偉妻早寡撫二子一女守節崇正癸未兵亂吳倉卒抱子女匿複壁中兵搜獲以刃劫使出不從隨舉火焚之吳同子女俱死時年二十九上俱府志

張氏鄴祿壽妻熊氏楊長卿妻俱明季兵亂被執張蒙

刃熊赴水死

通志

楊氏豐城人歸清江郡增生黃長明崇正末長明與族孝廉介中庠生尙寶團鄉勇以禦賊事敗被執氏聞赴水死明年氏長子璉妻傅氏遇亂兵不屈復投水死同里孝廉皮蔚爲之立傳又其時同族黃述文妻熊氏亦以少艾義弗受辱死於兵

金氏黃堯臣繼妻年二十五無子而寡事嫠姑甚孝明鼎革兵亂氏被執抗不受汚兵怒刳其腿肉剖腹達胸斷項死兵退老僕冰一求屍於野市布購棺瘞之黃氏祀之於宗

國朝

傅氏年十六歸張全忠十八生子學端越二載復有身時順治乙酉總兵許定國賊殺徐泗鎮高傑傑妻邢氏領其軍軍多潰散有裨將由豐城走清江所過輒屠掠氏與衆女婦避亂山谷間遇賊賊脅之並騎氏從馬上躍下厲聲罵賊賊貪其姿學以行氏給曰若所以脅吾並騎者懼吾脫也吾以一弱女子尾若等能奮飛耶賊

信之使行馬前將至昇塘謂其儕曰若輩行矣吾死此
遂聳身投昇塘賊射之中顛舍去救歸將絕已而復甦
逾數日生次子學智又數日創益甚死詳具張棟遺
稿中

張氏楊惟謙妻乙酉寇變與夫避亂山中夫婦俱被執
賊手刃加惟謙頸謂氏曰汝能從我釋汝夫氏給曰諾
賊釋惟謙欲汚氏氏爭之賊斷其腕猶罵不絕賊怒劊
其腹而死時年二十四越三日惟謙殮其屍如生

彭氏名引祥楊泗清妻順治戊子金聲桓叛兵至驅氏
行氏罵不絕聲至橋上奮身投水死其父母哀痛酌酒
於橋而祝之俄屍躍出容色如生觀者爲之流涕

府志

陳氏關應蛟妻應蛟客死遵義府氏年二十五撫子維
柱成立康熙戊寅氏年七十卒孫思邑庠生曾孫大源
歲貢生

簡氏郡城范敦化妻侍孀姑疾五年不懈姑歿力女紅
歲餘積布三十匹始克舉葬年二十八夫亡有逼其改
適者潛起自經鄰嫗救之獲甦撫二孤子幼子儀遺腹
生教之成諸生康熙甲申年七十二歿當敦化之殆也
嘔血委頓氏以肩承首血從頰入盡漬裏衣氏藏之遇
忌必陳血衣泣奠臨歿屬以殮焉事具大守張景蒼節
婦傳雍正九年 旌

蕭氏曾廣麟妻年二十四而寡養舅姑撫遺孤獨居操

作至老雖內戚未識其面二孫同入泮雍正辛亥年八十九預知死期召一子三孫十曾孫二元孫侍榻前坐歿雍正十三年 旌

張氏舉人張思藝女適郡諸生楊鎰鎰援例國學生赴監肄業逾年以疾歸康熙乙卯土寇猖獗氏徒步徙山谷奉夫以筍輿鎰旋卒氏年二十二族屬欲奪其志束髮自誓以完貞云署教諭鄧侃生爲之傳

關氏程貴長妻年二十九而寡姑逾大耋遺孤在襁守貧勵節康熙己丑年五十三歿

林氏年十八適黃彥儀九年夫病氏剜股肉以進迄不起灼艾自誓願盡瘁以撫二孤族人多憐之厚贖薪米相飲年七十有七卒

謝氏年十七適楊秉睿秉睿商楚逾年抱疾歸遂不起三日姑聶氏復故氏竭蹶兩喪家計索然爲夫撫同懷四幼妹一藐孤嘗夜深盜至氏抱六歲兒士俊泣呼曰願全此一綫見良人於地下盜傾篋而去士俊娶婦婦年二十夭遺子在襁褓氏躬撫之士俊亦義不再娶嗣父業於楚氏力持門戶督課孫泰臨成諸生學使沈旌之曰芳型裕後年八十餘卒

許氏小字臘姑字黃傑生傑生賈滇黔閒病死訃至父母不令女知女微察實哀號屏鉛飾守夫制三年父諷之曰兒未歸黃尙無夫婦恩今且爲之三年喪可以已

矣世未有不謀面而孀也者女流涕曰父明以兒屬黃雖不謀面已謀心矣父不忍復言屬諸姑姊勸之女厲聲曰吾不歸黃爲婦自不得不依許爲女吾止一身紡績可自支也自是幽居一室夜半機聲如宿春年六十卒劉銓曹琪徵爲撰墓誌題曰貞女許臘姑之墓楊宮保錫紱有傳

楊氏新淦舉人楊達女進士鳳然女兄也年二十適清江陳維璜十年而夫歿安貧守志撫育三子皆有成蕭氏生員高焯妻焯死氏年二十三食貧勵節奉老撫幼子坤教之爲諸生夫弟之子幼孤撫教如己子年八十餘歿雍正九年 旌

盧氏甘廷璜妻年二十四而寡遺腹生子食貧勵節年七十八歿雍正十三年 旌

張氏適楊儒修舉子有光年二十五而儒修歿氏養姑教子倍嘗勞瘁孫勳曾孫鳳來俱補邑諸生

聶氏熊汝莊妻年二十八而寡矢節養姑撫孤楨爲諸生年六十三乾隆二年 旌

祝氏聶惟卿妻惟卿歿氏年二十九時姑死未葬拮据營葬事撫二幼孤長顯達弱冠爲諸生次亦力學相繼歿各遺一孤率嫠媳撫之冢孫應簡鬢齡補諸生次應衡舉武科曾元俱諸生卒年八十二乾隆十四年 旌

黃氏楊增碧妻漕帥楊錫紱世母也年二十九而寡孝

事舅姑勤鞠二子卒年九十餘乾隆三年 旌

聶氏黃子鴻妻年二十七夫亡家窘甚勵志操作孝養老姑課子梅舉武科年七十餘乾隆四年 旌

朱氏適庠生楊瓊瓊卒氏年二十一遺腹舉子亦殤夫同母兄弟四人皆先後夭無所出惟繼姑黃氏一子亦孱弱善病或詰氏曰無孤可撫亦無姪可繼矢靡他者復何所成氏曰吾夫有弟卽楊氏有宗也於是佐繼姑撫弱叔倍極勞瘁年七十卒

楊氏生員盧熾然妾熾然婚十年艱舉子妻關氏勸置妾氏歸焉舉子必建關亦舉子必遴而熾然歿氏年二十六關亦甫踰壯歲共勵節操養姑鞠二子並爲諸生年五十五歿

張氏名潔秀張鳳儀女鳳儀教授生徒見聶明卿恂謹以女妻焉明卿客死於黔遺子文明甫六月氏忍死鞠之督以學補弟子員明卿兄某卒如以貧去一子六歲無依氏代撫之如己出族人某生子七月失恃將棄之氏惻然覓乳飼育俾克成立鳳儀無子氏迎母陳氏就養終其身皆人情所難者學使沈澹初旌之曰慈節流徽年八十餘卒

熊氏進士僕孫女年十六適蔣應墀四載夫卒翁姑暮年遺孤二俱在襁褓氏謹事育勤女紅葦功嫻串罕得覩其面者

李氏徐克柔妻適徐七載而夫歿越兩月遺腹生子一
意撫育克紹徐宗年七十二卒

丁氏年二十適曾洪三洪三死無出姑諭改嫁氏曰子
夭媳畱殘喘以代子職其敢懷二心遂引刀截髮以剖
其誠姑不復強姑歿親捧土築墳指爪盡禿既葬哭拜
姑墓曰向之不死爲姑在也今可以從姑及夫於泉下
歸自縊爲鄰媪所救得不死

劉氏適黃元懋年二十五甫生二女而夫歿或諷以改
志不從撫夫弟次子爲嗣

熊氏楊仕琦妻年二十六夫亡矢節撫二孤年七十九
歿孫鎮歲貢生朝棟武舉

彭氏何肇矚妻肇矚客死漢陽氏聞訃願從夫死姑曰
獨不顧六歲兒乎因誓全婦職何氏之宗賴以不替卒
年七十有五

皮氏歸周之璜三載而夫亡無子以夫從子爲後孀居
四十六載困窮備歷卒年七十

周氏郡增生模女年十九適聶宜讚數載宜讚歿無所
出夫弟有子欽仰講爲繼稍長訓以學甚勤欽仰感奮
力學列黌宮氏年六十六乾隆七年 旌

湯氏年二十二適黃日光甫三月夫病盡瘁服勞寒暑
不倦夫亡無嗣氏斷髮自誓歷十年不釋麻衣而死

劉氏黃祖功妻年十九夫歿遺一女撫夫從子爲嗣家

貧苦志年六十九卒

楊氏年十八適曹季良生子起鵬甫二歲而夫卒氏孝養翁姑課起鵬遊膠庠貧不能應鄉試紡績積貲助之起鵬疾歿未有孫氏衰年無依赤貧自甘曰吾本未亡人待亡而已

藍氏歸陳憲堯甫二載而憲堯歿氏養舅姑撫夫再從子爲嗣卒年五十八

楊氏適熊培仁甫朞培仁客死南寧府氏聞訃不食閉戶七日死時年二十二

熊氏黃錫蕃妻年二十九錫蕃病亡家貧子穉氏以撫孤自誓年七十四歿

楊氏陳節妻年二十三夫亡僅遺一女矢志養姑鞠猶子成立壽九十一而終

鄧氏歸龔之松九載而之松歿氏養衰姑撫弱子貧苦自貞年七十卒

易氏陳士仰妻年二十七而寡母家欲奪其志氏斷髮自誓事姑克終餘年鞠二子俱成立年七十七卒

晏氏增生梅宣母家世單寒氏勤婦工養翁姑夫歿宣以貧廢學督之卒業紡績以資膏火遂弱冠籍諸生舉孫三人毓芬例授九品職曾孫四人元孫二人壽百歲終

李氏年十九適皮廷柱爲繼室生子鍾嶽甫朞而夫死

氏矢志撫前子鳳鳴與鍾嶽如一鳳鳴娶曾氏生一子而鳳鳴卒曾年二十八鍾嶽娶楊氏生二女一子而鍾嶽卒楊年亦二十八人稱皮門三節婦

張氏杜光郁妻年二十三而寡孤甫二歲勵志守貞年九十一終黃氏杜景瞻妻年二十七景瞻賈死饒州勤撫三孤年六十五歿

唐氏漢陽人年十六爲清江監生楊成謨妾生二女成謨歸清江病卒氏聞之慟促其父買舟還清江哭泣盡哀舉家感動遂成瘵疾而死

譚氏瑞州人年十七適清江吏員劉以椿三載而寡撫遺孤進采娶媳張氏甫有身而進采又歿未幾生一孫與媳同撫之張氏感始勤亦皓首完貞云

楊氏名淑貞拔貢生周萬澍妻萬澍入國子監積分告歸病歿氏年二十八矢節撫孤早歲補諸生旋天又撫孤孫年六十八卒

楊氏適孫輝輝歿氏年二十七殫勞教子時駿及孫觀瀾瑤次第補諸生年八十有五卒

張氏王淑定妻年二十二而寡孤甫二齡一遺腹兩月始生勵志撫鞠養翁姑俱高壽終乾隆十四年旌

楊氏適聶之乾之乾遊楚歸病卒遺子二氏貧苦育之爲長子娶婦不數年長子死無所出次子以貧故竟不能娶

彭氏諸生彭楫女年十五適傅必清家徒壁立氏憑十指佐所需年二十三必清沒氏益勤紡維侍姑寢膳姑甚賢之必清未有子遺言聽氏再醮有舉以諷者氏毅然曰此非吾夫治命也撫夫猶子以完其節

聶氏適程大有大有歿氏年二十養姑教子勞瘁不辭卒年六十有二

劉氏適生員彭灝灝世爲諸生父成樾踰壯而歿母楊氏前明叅政楊標女孫素習詩禮躬授灝書灝歿氏年二十六遺孤廷簡甫二齡氏念兩世僅延一脈姑婦撫訓勤嚴廷簡成童遊縣庠以文行知名終歲貢生乾隆己丑氏年八十歿

郭氏年十八歸周學煒學煒商楚舟覆於田家鎮氏年二十六矢志養舅姑撫二子長曰塤次曰篋課業如嚴父爲塤娶楊氏篋娶詹氏楊氏歸塤年甫十五逾二載生子二齡而塤死氏依祖姑暨姑以紡績持門戶食貧苦志以終

陳氏敖嘉妻生子輝才及朞而嘉歿氏年二十代夫養母以孝聞撫孤克有成卒年六十一

傅氏年十六適蕭承鍾十載喪夫課子曰升力學補弟子員年八十六卒

張氏楊嗣慎妻年二十六夫亡遺孤二家貧撫育艱苦萬狀卒年七十九

楊氏年二十二適舉人熊時蘅爲繼室時蘅任長寧教諭卒氏年二十九矢志撫孤視前子與己子商等商補邑廩生氏卒年七十八

徐氏談汝器妻汝器家貧炊恆不舉氏知書勤婦工相夫十年甫有身而夫歿閱六月生一子鞠之成立年八十餘歿

黃氏聶掄然妻年二十八夫亡奉養孀姑勤撫二穉長繼俱爲諸生乾隆八年旌

傅氏廩生彭性妻年二十七夫亡父母謂之曰無孤可撫何以節爲氏曰無子命也何損於節撫夫弟之子爲嗣旋以疾歿

關氏黃夢驥妻年二十五無子而寡撫夫兄子衡鎮爲嗣課訓甚勤衡鎮舉於鄉官鉛山教諭氏卒年七十九
敖氏胡毓啟妻年二十一毓啟卒內無葦功之親或勸之再適氏抱二歲孩泣曰胡氏三世單傳恃此妾忍負耶既長娶婦氏年五十餘子媳相繼死復殫瘁以育孤孫年七十四卒

杜氏適黃廷芳年二十八夫死子五人長十歲幼僅兩月氏艱劬撫育各爲受室而長子可均妻曾氏四子可豹妻胡氏五子可學妻王氏俱以青年守志克嗣前徽人稱一門四節云

陳氏年十八爲姜文進妻文進兄弟俱業農氏與諸姒

娣課紡績每以雞鳴爲度終歲無一夕爽者文進病歿
氏年二十八遺腹舉一子勤苦撫鞠聘婦之資皆從午夜
機聲出里人稱之

黃氏年二十八寡居一子成童而殤兄弟勸之改嫁氏
面拒曰人知陳應兆有妻吾兄與弟獨不知陳應兆有
寧死不改嫁之婦乎雖饑寒交迫執節愈勁

傅氏適聶繼顯繼顯以諸生賞志歿氏年二十六遺孤
先慰甫二齡矢志勵節孝事翁姑縞衣椎髻一燈課讀
先慰髫年貢成均例授州同孫肇坊生員孫曾蕃衍人
以爲節孝之感乾隆十四年旌

周氏歸李曰銑年二十四日銑疾不起氏無所出將以
身殉已念夫祀宜延於是繼夫再從子爲子課讀彌摯
時論哀之

陳氏字周應芳芳年十七病篤俗有迎娶壓凶者父母
有難色氏曰兒卽不往亦終身周姓婦何如早正其名
遂歸周逾歲夫死氏年十八誓死垂三十餘年取夫姪
爲嗣課之成立鄉鄰以其苦節聞當事畧云甫一夕以
同衾已解月中金縷第經年而侍藥難調天上瓊漿種
璧一雙知是無瑕之品行年五十依然未字之貞蓋紀
實云

鄔氏陳光煜妻年二十九夫亡守節年七十九歿

熊氏姜燦玉妻年二十二而寡遺孤亦殤父母欲奪其

志氏慟泣以首觸地幾死甘貧勵節養翁姑以壽終年
七十三歿

傅氏楊道卓妻年二十四道卓歿遺一子家貧姑老父
欲奪氏志氏堅拒之勤紡績以養姑子長爲之娶婦年
八十餘卒

楊氏儒童丁輅妻輅以攻苦邁勞疾卒氏撫育二幼子
憑女紅以自給二十七歲守節至年八十卒

毛氏年十九歸黃山宗逾一載生子甫三月山宗病亡
或勸氏改適氏抱兒哭不應旣三年勸改適者踵至氏
抱兒付姑曰妾不卽死爲此耳今已三歲乞善視之退
而自縊急救獲免自是無敢復言者年八十三卒

楊氏周旭林妻年二十一夫亡守節卒年七十二

彭氏廩生周曰勃妾年二十四曰勃病歿以氏無出遺
言令改嫁氏號慟自經家人救免踰年嫡氏歿氏獨力
持家撫鞠嫡子諸孫子世榮孫躍龍俱爲諸生年六十
八歿

陳氏名淑貞生員陳浩女適南陂楊暉年二十八暉客
廬陵病歿遺孤在襁翁姑年耄氏孝養慈撫勵節甘貧
中年遺孤承暇復天偕養媳張氏勤鞠二孫紡績相依
年七十餘乾隆四十一年旌

楊氏歲貢生楊之渭姊適大學徐漸元甫四載而夫卒
遺一子之牲氏年二十一時繼姑在堂氏婉婉承順姑

甚愛之督之牲就學甚勤之牲志益銳弱冠列諸生食
餼尋捷南宮皆氏勵節之報云嘉慶八年 旌

黃氏適陳右鐸右鐸刻苦讀書成瘵疾歿氏年十九撫
一子一女子長課之學里中有同學而苦貧者輒周給
之時論以爲賢

宋氏廖時桂妻適廖二載免身六月而夫卒旣而所生
子天乃撫夫兄子爲嗣孝養翁姑卒年七十六

王氏黃日旭妻年二十八夫亡家貧撫周歲子紡績自
資勵節三十載而歿

楊氏歲貢生楊占春女適金世紀世紀客死氏年二十
五時祖姑旣耄姑近六旬氏養姑撫二幼孤食貧勵節
年五十五歿

劉氏傅必鏃妻年二十二夫亡守節年逾七十同族傅
必鈐妻嚴氏年二十三而寡矢志不貳年六十五卒

楊氏聶先達妻先達夙邁痰疾將結禱父母有難色氏
曰吾命也不數年夫竟歿遺孤在襁或疑氏有悔念者
聞於母家母使詰之氏泣曰吾惟死耳由是蜚語絕年
六十九

龔氏年二十歸儒童劉績甫六月績以探兄病遂客死
於安龍氏遺腹生子曰誨忍死顧復課之讀書以繼父
志年六十卒

鄒氏楊兆鯤妻年二十八而寡一子步烈兆鯤弟兆驥

妻嚴氏年二十四而寡一子步瀛妯娌各撫遺孤而鄒通知書義躬授二孤句讀訓督甚嚴步瀛例授州同步烈以監生赴鄉試疾歿婦曾氏年二十九無子守貞以步瀛次子爲嗣鄒從妹適兆鯤族弟兆象亦年二十四而寡事姑撫孤赤貧勵節三四日成布一疋垂老不休鄒年六十三歿娣與嚴俱年五十九

呂氏名靜貞年十九適傅兆璘生一子甫六月而夫歿數月翁繼卒氏營葬營奠及粗糲所資皆取辦於十指訓課遺孤俾克成立年八十餘卒

吳氏歸庠生蕭楫年二十五楫病卒遺一子在襁褓氏竭力事繼姑繼姑生子與己子年均乏乳氏並哺之

楊氏名義成舉人楊銘女年二十一適彭之儒二載而夫亡無子夫有弟甫二齡明年姑逝又明年翁將易簣慮氏年少不可恃盡出所遺金付諸從弟屬以遺孤成立則償之氏私泣曰彭氏後夫弟一人而已旣效死於彭非異人任也自是一孀持戶撫夫弟有成爲娶婦生子而翁所託金皆蕩盡無一償者氏亦絕口不問卒年七十一

張氏龔如蘭妻年二十六而寡胡氏龔祿也妻年二十八而寡俱矢節撫孤年六十五歿

楊氏張雋選妻雋選客衡州病歿氏年二十八以養姑育子自任隣家火延及屋時祖姑年八十尙在臥室氏

冒火負之出鬻髮為焦日食不繼輒自飲米漿以甘美奉其姑子既長出簪珥資路費令之衡州迎夫柩歸葬里黨交稱之卒年六十有三

錢氏適周曰芬年二十四夫亡撫孤食貧勵節年五十九歿

杜氏歸張蔚以二十七齡矢節至八十一歲終無子家貧勤紡績以供菽水舅姑繼歿伶仃獨居閭里共憫之楊氏彭楫臣妻生二子俱穉而楫臣歿妻甚氏貞志撫孤心力俱瘁遂中道殂行路哀之

傅氏年二十一歸彭納川八載而納川疾卒氏課二子俱有成性仁慈每歲春冬必遣僕入荒阡邃谷中遇露露悉為掩瘞之年六十有四卒

張氏名蘭英楊承臈妻承臈歿廬陵旅次氏年二十五聞訃絕粒五日殆甚孀姑陳氏諭之曰吾未死汝固宜先死耶乃撫二幼孤佐姑事祖姑竭力孝養年五十七乾隆四十一年 旌

徐氏名仲貞張錫旭妻年二十六而寡矢志撫孤年六十九乾隆四十三年 旌

蕭氏劉慶祐妻年二十六夫死無子屢引繩自經家人救免年五十六歿

楊氏名貞秀大學生熊亦琴妻年二十七亦琴患血疾亡氏養姑孝謹撫子有成年七十餘卒

清江縣志 卷十一
聶氏饒濟夫妻年二十九濟夫亡撫遺孤兆祐成立娶
媳皮氏年二十八兆祐又亡聶氏與媳共撫二雛邑舉
人陳鳳儀爲撰饒門雙節傳

周氏儒童教日富妻二十五歲守志八十四歲終

黃氏歸儒童楊兆鳳甫二載兆鳳卒氏年僅二十遺腹
生一子亦殤因撫伯氏子爲嗣復夭再繼撫之又亡氏
曰十載之勤苦無望矣遂絕粒而卒

楊氏儒童黃嘉牲妻年二十七夫歿遺二孤忍饑以哺
稍長俾就傅習舉業守志十一年積羸而歿後三歲孤
維梓補諸生

楊氏適黃石石業儒未成而歿氏年十五一子甫二歲
矢志撫育坎壈備嘗卒無怨懟云

張氏黃宗樾妻年二十八而寡矢志事舅姑以孝聞撫
三子皆成立一女歸張允迪亦年二十五而寡課三子
讀長復椿幼復楨俱監生年七十四卒人謂以女嗣母
冰雪同清云

張氏十六歲歸程元澗生子勳甫四歲而元澗沒氏念
子幼不敢從死以養以教勳旣長補諸生氏卒年五十

謝氏生員蔣儀妻年二十七夫亡勵節撫孤年四十九
歿

廖氏適黎映川以孝謹聞映川歿氏年二十七力貧教

子長子軾既妻而死次子軒補諸生亦先氏亡氏撫育孤孫備極勞瘁卒年七十三

杜氏適黃昌鑑年二十五昌鑑歿無子撫族子爲嗣氏性溫淑孝養翁姑聞者無間言

聶氏歸陳兆聖甫週歲生一子而兆聖客死雲南氏忍貧育子三十五年卒年五十六

皮氏年十六歸關仲兆數載夫亡姑老子幼勸之嫁者踵至氏取刀斷指以示無他鄉里感歎卒年八十九

單氏年十九適楊映湯生二子夫歿氏力任養姑教子之責不辭勞瘁年五十終

黃氏適庠生陳夢卜之子希沂佐夫力學有聲庠序旋以疾卒氏年二十七矢志守貞痛夫志未竟每檢遺書輒悲悽竟日不食

杜氏年十七歸陳師閔閔病篤知不起語氏宜改適氏曰君何言君竟忘姑及子耶閔逝拮据以養姑撫子有成

楊氏適張德音九載而夫死氏年二十九有姑老矣一子二女俱穉會水災家計益蹙氏安貧守志不變其初孫氏張之漢妻之漢疾亡氏年二十八無出家貧甚或勸他適不從憑十指自給戶外人無得見者年八十卒陳氏年十八適周惟光生子鵬飛甫六月惟光歿氏撫孤成立爲娶媳王氏鵬飛弱冠客死於楚無出姑媳冰

操其砥歷艱瘁無怨聲陳卒年七十王時年五十有四
皮氏適周惟創孝事舅姑惟創歿遺二子氏慈育嚴教
俱底成立孫世焯歲貢生氏年六十九卒

傅氏李廷貢妻年二十四廷貢弟廷賢之妻徐氏年二
十七各舉一子而夫俱亡其姑聶氏亦孀居辛苦育廷
貢兄弟授室又相繼夭聶以淚枯將瞽傳與徐晝則掖
之行夜則扶之寢病則同聲呼籲未幾姑目復明人誦
兩孀婦孝感云

周氏聶仕傑妻年二十七守志迄五十九歲卒

陳氏年二十適盧天謨逾年舉一女又逾年夫歿或勸
再適氏以死自誓越九載夫兄舉次子氏撫爲嗣鞠課
兼摯以底於成

任氏陳祺達妻年二十四守節養姑育子孝愛兼盡卒
年七十九

胡氏適羅光禮生子六齡而寡遺腹又生一子矢志撫
育自二十八歲飲冰茹荼至年六十五卒

程氏歸楊福將事翁及後姑李氏稱孝生子三人夫卒
氏年二十六翁亦卒李無子前姑所生夫弟遠出未歸
氏殯祭皆勉於禮與後姑同孀卒撫三孤以有成

楊氏年二十適周應甫四載生一子未彌月應甫病危
與氏訣曰家貧若此我死汝何以自存氏泣曰可存則
存不則及黃泉相見自是歲弗易衣日無再食卒爲子

娶婦享壽而終

張氏楊爲龍妻年二十五喪夫矢志不他育孤有成壽八十一卒嘉慶十一年 旌

敖氏年十七適李廷俊甫二載而寡親族勸之嫁氏志不可奪以夫從子來珮繼之年五十六終

何氏歸楊日棟食貧自甘日棟亡氏年二十五遺子穉弱勤女工撫育之卒年八十六

程氏廣西丹州人年十六歸清江姜廷栢生三子而廷栢病亡氏年二十八念夫翁世瑀及從翁世瓚夫兄廷

柵皆客死異地刺臂流血以歸自誓越二載抱夫靈柩三雛親詣丹州縣堂請文回籍至則無一瓦之覆一櫬

之植拮据且晚不餒其志三子長又不振伯仲方旅遊叔爲傭以食厥力卒年五十二

李氏十八齡歸張子茂越十載夫亡家貧守節歷七十八歲終

彭氏適甘某年二十一而寡上奉老姑下撫穉子極勞盡瘁母家有勸之改適者氏引刃欲自戕乃止年七十

六卒

徐氏三世苦節徐在妻楊氏二十九歲守節六十二歲卒舉人徐兆祚妻楊氏二十六歲守節六十一歲卒徐學孟妻朱氏二十八歲守節五十一歲卒

龔氏年二十適張之旺八載之旺歿氏勤織絰養翁姑

撫五齡遺子克底成立時年六十五

胡氏聶溱妻氏素以賢淑聞習勤甘淡少疾病壽百歲
猶彷彿若六十許人

郭氏吏員李越珏妻年二十四而寡矢節養姑撫二孤
穉俱入武學時年八十八

李氏楊仍達妻年二十五夫亡撫孤時年八十五

程氏何紹賢妻年二十二而寡撫孤重亮重亮娶而夭
婦楊氏年二十七姑婦食貧勵節程時年八十二楊時
年五十九

彭氏生員彭機女生員黃宋妻年二十八而寡事孀姑
撫遺穉貧苦勵節時年八十歲

楊氏儒童饒一維妻一維瘵歿遺一子甫周晬氏年二
十五勉承姑命力勤飼育既長爲之授室無何子媳相
繼亡氏孑身僅存猶資女紅以自給時年八十一

胡氏劉玉鉉妻年二十七玉鉉客死於楚遺孤六齡氏
養之教之貧勞不倦子棻孫上拔並補諸生時年八十

傅氏年十七適關增倬逾年增倬病亡遺腹生一子甘
貧撫育俾克成家時年八十一

劉氏彭啟文妻生子輅甫四歲而啟文卒氏悉力教子
輅長補邑廩生時年七十有三

李氏年十八歸皮穆年二十八而穆年歿撫子紹奭俾

壽婦

克成名時年七十有四

嚴氏適邑廩生曾訥無出而訥病亡氏年二十八勉承姑命撫夫從子爲嗣時年七十二

黃氏適張遙光生子二遙光歿氏年二十五矢志鞠子時年七十二

陳氏十九齡歸敖其侑七載而夫亡撫孤盡瘁時年七十六

鄧氏適彭明綏事孀姑克孝明綏卒遺孤方幼氏鞠之有成時年七十

李氏儒童甘啟蒂妻年二十六夫亡無子以夫從子爲嗣事翁姑以孝稱時年七十有五

金氏適曾增年二十七喪夫無子其姑令再醮氏不從日勤菽水以博姑歡久之夫從弟廩生曾芳以子繼之時年七十有四

袁氏新淦人適清江黃秉乾年二十三夫亡遺子甫一歲氏忍死鞠之爲之娶婦生孫僅四月子以病喪越五年媳又殂乃撫孤孫以持門戶時年七十有三

聶氏楊如濟妻二十五歲夫亡守節時年七十三聶氏簡忠妻忠歿氏年二十無子內無菽功之親甘貧守節時年七十一

徐氏年十九歸黃峻升年二十八而寡二子皆在襁褓甘貧撫育稍長皆俾習舉業旋相繼亡時氏年七十六

孤幃子影猶藉紡績以營生

張氏新淦人歸清江王對盛四載而夫歿家窶甚氏安貧鞠子自二十四齡守節時逾七十歲

劉氏聶經六妻年二十三夫亡撫孤時年七十五同族聶日顯妻桑氏年二十八而寡聶若鵬妻楊氏若鵬賈黔死楊氏二十七俱撫孤守節時年六十二聶棟妻黃氏年二十九夫亡撫孤時年五十三聶栢妻楊氏年二十八夫亡於滇孤亦旋歿聶逢瑯妻彭氏年二十四夫亡時年俱五十二聶日陶妻傅氏年二十六夫亡於黔時年五十一

何氏生員傅維先妻年二十六夫亡撫孤孤復夭又撫夫兄子爲嗣時年七十四

朱氏聶之星妻年二十七而寡撫孤勵節時年七十二喻氏楊質元妻年二十九夫亡撫孤時年七十一

皮氏羅綵妻綵亦貧鮮兄弟旣死氏年二十一子身養翁姑撫遺孤孤娶而夭又撫孤孫時年七十

熊氏傅紹伊妻年二十九夫亡撫孤舉孫而夭孫亦旣婚而殤見者憫之時年七十

黎氏何載文妻年十九而寡遺腹生子三歲殤撫夫兄子爲後食貧勵節資紡織爲嗣子娶婦生孫時年七十餘

陳氏適儒童熊振超振超以瘵歿氏請於舅姑曰妾無

子當從夫死舅姑泣止之乃撫猶子爲嗣時年六十四
傅氏劉日耀妻年二十三夫亡撫遺孤令習舉業次子
之芳旋入縣庠氏時年六十九

朱氏豐城人年十六歸清江熊其運三載其運疾不起
氏遺腹生男育之至成人時年六十一

楊氏年十八歸戴錦道錦道病亡氏年二十五育遺孤
以延夫祀孤又天子身僅存幾不復有生人趣時年六
十九

張氏孫聞泗妻年二十一孀居奉翁姑孝謹育穉子勞
愛克兼時年六十九

楊氏儒童姜世澄妻世澄嬰疾早世氏撫子成室而子
婦又相繼亡顧影煢煢卒無後繼者時年六十

呂氏豐城人清江何肇仁妻年二十八喪夫無子誓不
再嫁夫兄以子其銳繼之氏令習舉業其銳旋入縣庠
氏時年六十五

傅氏年二十二歸熊培騶三年而寡志欲殉夫夫父母
曰汝方有娠何遽死爲五月生一子育之成立時年六
十一

黃氏適胡繼聞生一子甫周晬繼聞旋歿氏甘貧撫養
時年六十有三

黃氏楊步雲妻舉二子而步雲歿仰事俯畜以身兼之
時年六十五

謝氏歸黃凱梅年二十七而寡家貧子幼憑紡績以自給里黨賢之時年六十

熊氏何應桂妻年二十八而寡舅姑憫其無子諷令他適氏曰婦人從一卽無子可再離乎乃撫夫兄仲子易賢爲後易賢列人成均氏時年六十有六

黃氏歸鄴惟士年二十三生一子逾月而夫歿甘貧育子舅姑賢之時年六十八

張氏廩生天棟女年十九歸彭萬森甫一載萬森卒撫遺腹子啟燮長課以學補諸生秋試歿於省垣媳熊氏年三十誓欲死氏曰吾之不死以存彭氏後也汝有子安以死爲姑媳茹荼勵節氏卒年六十九道光二年

旌

黃氏庠生黃新志女歸杜延寬年二十延寬病亡氏身任事育慈孝克兼時年六十三

楊氏儒童龔熾南妻熾南以攻苦遭疾歿氏年二十六生子維藩甫一月盡瘁撫育稍長有憫氏家貧勸其子逐什一利者氏曰余夫賫志終何忍令不承父志遂俾卒儒業補諸生氏時年六十六

張氏新淦人年二十歸清江楊兆鵬越八載夫亡氏以撫孤自誓集蓼不辭時年六十二

張氏儒童彭世卓妻世卓以未遇發憤歿氏年二十六撫二遺孤貧勞不悔時年六十五

陳氏年十八歸傅廷光生二女而夫歿氏念老姑在堂雖無子誓不再醮紡績供養歷盡諸艱時年六十一喻氏洪子陽妻年二十九而寡遺孤旋夭煢獨矢志時年六十八洪子順妻汪氏年二十八而寡甘貧撫孤時年五十七

呂氏楊應選妻應選賈渢死氏年二十遺腹生子撫鞠既長遣覓父櫬亦死於渢子身苦節時年六十六

楊氏陳兆漸妻年二十三夫亡撫孤時年六十五

陳氏洪方孟妻年二十九而寡矢志勵節順事繼姑撫

二遺孤俱成名長文炳拔貢試用山東直隸州同次

文煥歲貢孫行堦郡廩生卒年八十二

崔氏名能貞徐梅詠妻年二十二而寡孤旋殤矢志節養

姑撫猶子爲嗣時年六十五

傅氏儒童熊宁妻年二十八生子甫二日而夫亡誓不

改適紡績養姑時年七十一

符氏豐城人適清江單于貴年二十二夫亡矢志撫孤

時年六十五

李氏黃世泰妻周氏世泰弟世光妻世泰兄弟俱諸生

先後病歿李年二十七周年二十五惟李有子第錫妯

娒共撫之娶婦楊氏第錫旋亡楊亦矢志靡他一門三

寡咸推重之

徐氏陳必聞妻年二十八夫亡撫孤時年六十三

何氏熊遇鴻妻年二十一夫亡撫孤勤事病姑時年六十一

熊氏姜曉若妻年二十曉若客歿廣西遺腹生子苦節鞠之時年六十餘

彭氏袁正玘妻年二十七夫亡撫孤時年六十

彭氏楊佑賢妻佑賢買蜀死氏年二十二無子矢節時年六十同族楊佑詒妻范氏年二十四而寡撫夫從子爲嗣時年五十四

余氏楊嶸妻年二十四而寡撫二孤長學詩爲諸生時年六十一

聶氏生員李希白妻年二十六夫亡撫三遺孤時年六十一

徐氏生員侯兆隆妻年二十九夫亡撫孤姑病痢甚篤禱於神願減己年延姑壽疾果愈人謂孝感時年六十陸氏監生陸廷銓女適監生曾瑞麟瑞麟爲副使曾寅孫讀書咯血死氏年十九食貧撫孤時年六十一

喻氏楊忠映妻年十九而寡遺孤甫半歲食貧矢貞時年六十

程氏龔如瑄妻何氏龔如璪妻張氏吏員龔芬妻俱青年矢節惟何有孤可撫時年俱近六十

徐氏曹運匯妻二十一歲守節撫孤時年六十三

楊氏龍紹澗妻年二十三夫亡撫夫弟之子爲嗣時年

五十八

傅氏蕭鑑妻年十八而寡遺腹生子六齡而殤貧困勵節時年五十六

周氏名斗秀廖開夔妻年二十八夫亡遺孤岐教之成諸生時年五十五

聶氏李廷照妻年二十四夫亡撫二孤時年五十五

姜氏武舉姜起渭女適生員楊登源年二十八而寡食貧撫二孤時年五十二

何氏貢生周道麟妻道麟死氏年二十六遺腹生子矢志撫育時年五十一

彭氏聶先容妻年二十二孀居翁邑庠繼且閔氏無出命伯氏次子肇琅爲之後氏課以學補諸生時年五十五餘

彭氏適楊壽樸生子數齡而寡時上無翁姑僅遺夫弟亦未冠氏獨力支門戶不遑告逸卒年六十有二

龔氏楊壽棧妻壽棧亡無子氏年二十九憑紡績度日卒年五十六立夫弟子明甫爲嗣早卒以夫從子學鯤之子均達爲明甫後

楊氏歸陳博誌三載生一子博誌旋病歿氏事姑孝撫子極恩勤時年五十有六

皮氏歸龔莘事姑以孝聞姑患蠱侍疾廢眠食者半載年二十甫娠而莘卒彌月生一子善病密置砒礪日孤

存與存孤亡與亡長課以學膏火俱從十指出年七十
二卒子溥副榜任南豐教諭孫三人作忠廩生作孝舉
人曾孫八人嘉慶八年 旌十三年 贈八品太孺人
張氏年十六歸杜廷教廷教力學賚志歿或勸氏他適
氏曰吾外祖母及吾母俱以節顯吾獨不能自勉乎蓋
氏外祖母張氏母黃氏卽楊錫紱撰節婦傳所謂冰雪
同清者也撫育二子刻苦無少悔子大鯤補諸生時年
五十五

傅氏年二十歸聶履安履安歿氏年二十三矢節撫孤
時年五十六

簡氏歸楊朗朗歿氏年二十七勵志以育三子時年五

十二

聶氏熊元儒妻年二十七而寡上事孀姑下撫穉子以
孝以慈鄉閭頌焉

熊氏豐城邑庠生熊聯女清江舉人楊有法妻有法卒
氏年二十六遺孤懋瑾甫五歲育教克底成立乾隆癸
未懋瑾例授布政司經歷氏

敕封太安人四世同堂孫熙芑附貢生年九十四卒嘉慶十
年 旌

雷氏黃茂儀妾生一子茂儀病歿氏年二十育孤辛苦
而志不移時年五十二

張氏黃仁綏妻甫有身而仁綏旅遊舟覆溺死氏年二

十四鬢以待募遺腹生一子辛勤撫育時年五十二
杜氏儒童黃仁民妻年二十二夫亡遺孤日升尚在襁
褓氏家貧顧復稍長延師教之俾繼父業日升旋補縣
庠生氏時年五十餘

黃氏年十九適陳宜燃宜燃客他省病歸卒氏年二十
二遺子始孩杜門鞠之貧不餒志時年五十一

皮氏王之科妻夫亡年二十八事姑孝謹育子不辭勞
時年五十四

楊氏陳洪鐸妻生一女而洪鐸客楚病亡氏誓不再適
立夫從子以主夫後時年五十六

聶氏豐城人年十四歸清江楊習琳舉一子而習琳歿
氏年十八矢志撫孤時年五十四

陳氏熊世金妻年二十一夫亡殫瘁撫遺腹子時年五
十一

周氏吏員傅嘉會妾嘉會早世無子氏年二十六矢節
不移撫夫猶子有章爲嗣籍太學孫洪昇入邑庠年七
十五卒道光四年請旌

鄒氏陳邦彥妻那彥歿無後氏年二十三飲冰自誓撫
夫猶子爲嗣時年五十六

徐氏適傅嘉麟年二十七而寡養姑教子孝惠日聞時
年五十六

易氏年十九歸楊兆鸞僅二載夫歿遺孤才數月勵志

撫育俾克成人時年五十五

徐氏年十八歸楊紹雄甫二載而紹雄病故僅遺一女
家計蕭索氏憑十指以給日用病姑在床數歲氏侍湯
藥惟謹夫弟兆亮自幼失怙恃撫養成立年七十三卒
兆亮感氏德以次子邑庠生夢蘭承其祀

蕭氏鄧濟川妻年二十四喪夫孝事孀姑慈育穉子時
年五十四 以上鄧志

清江縣志卷之十八

列女二

傅氏年十八適邑庠生郭中橋二十一而寡矢志撫孤
備嘗艱苦子世振邑庠生乾隆四十九年 旌 以下新

增

黃氏歸庠生盧驛然夫歿守節乾隆五十年 旌有案
無卷不能詳其事實

聶氏郡庠生泰交女配 贈文林郎楊兆蘭以子世銳

貴 封太孺人兆蘭歿時氏年甫二十三忍死奉親課
孤以學世銳成進士歷任知縣氏身衣澣素勗以清慎
上游僉稱之乾隆五十三年 旌卒年八十四孫洪煦

清江縣志 卷十一
洪勳洪聚洪藝俱庠生洪蒸業儒

楊氏歸郡庠生龔鯨南年二十六而寡孝事翁姑機梭課讀子維城庠生維律監生嘉慶七年 旌

傅氏儒童聶繼旺妻年二十三夫亡食貧勵節養老撫孤嘉慶八年 旌

盧氏適儒童熊元芳年二十三夫亡勵志撫孤無何孤又折氏偕娈媳再哺孤孫兆文援例入監年八十五卒嘉慶十一年 旌

楊氏雩都教諭卓之姑母適儒童傅廷縉年二十四廷縉卒紡績養翁姑後先喪葬皆盡禮撫三歲孤方珩成立籍大學嘉慶十一年 旌

蕭氏歸郡庠生陳學沈甫二載夫亡僅遺稚女氏茹苦持家撫猶子爲嗣嘉慶十四年 旌

羅氏年十八配監生關泰越七載泰卒克代子職督課兒書子四成文成理成璧俱監生次子玉舉人出繼胞叔嘉慶十四年 旌

楊氏監生劉貴宗母夫德珍早逝貴宗遺腹生教養備至中道貴宗歿復撫族人子國照爲孫現年八十五嘉慶十四年 旌

孫氏年十七歸儒童劉昭緯三載而寡養老姑撫猶子存歿交賴嘉慶十四年 旌

謝氏歸儒童劉仕富年二十七夫亡孝尊嫜撫孤稚勞

粹不辭子沾監生嘉慶十六年 旌

傅氏適楊學輝年二十七而寡事育兩全子均繪監生

嘉慶二十三年 旌

彭氏年十八適監生羅允榎三載允榎亡氏紡績養翁姑撫猶子福祿爲嗣年五十一卒嘉慶二十三年 旌

熊氏配庠生李來元年二十六來元歿氏勉力撫孤年六十五卒子紹謙監生嘉慶二十五年 旌

彭氏年十六歸舉人楊學恢越八載學恢歿無子氏矢志養翁姑年五十五卒以從子玉品爲嗣山東鹽課大使道光元年 旌

汪氏徽州歙縣人歸清江楊應鑑年二十七夫亡食貧勵節撫孤成立子若涵監生道光元年 旌

楊氏儒童張垂青妻年二十九夫亡撫孤艱辛備歷道光二年 旌

徐氏適監生楊以經年二十九稱未亡人上事下育克盡孝慈子仕鴻監生道光二年 旌

廖氏胡有儒室有儒歿氏年二十五甘貧撫孤年六十九卒子丕炳監生孫逢盛庠生道光二年 旌

聶氏年十五歸邑庠生黃標甫六載而寡勵志撫二孤清定監生孫仁煦郡庠生道光二年 旌現年七十五

楊氏沈佑盛妻佑盛族叔季彩見氏有姿誣姦污巖爲氏父楊友銘縛毆季采蓄恨毒斃己父向氏挾制圖姦

壽婦

壽婦

氏羞忿投水死後當事訪實置季彩於法以氏守禮拒
姦捐軀明志具題道光二年 旌

壽婦劉氏鬻溪關增挹妻嘉慶十二年九十六歲五世
同堂 敕賜黃耆繁衍匾額十六年百歲 敕賜
貞壽之門建坊

壽婦白氏郡城從九品敖作忠妻嘉慶十六年八十五
歲五世同堂 敕賜眉壽延慶匾額

郭氏歸監生楊懋怡七載懋怡卒無子氏矢志靡他孝
養翁姑撫猶子爲嗣年六十一卒嘉慶十年 旌

楊氏漕帥錫紱從弟錫組女適下瀛張光祖翁奕任直
隸州知州氏年二十三夫亡守節以嗣子景歐遵例急

公 封太安人卒年六十四現任湖北巡撫楊懋怡其
女夫也爲撰墓誌孫榮孝監生嘉慶十七年 旌

張氏年二十適盧紹部四載而寡矢志養翁姑撫孤成
立苦節十六年卒道光四年請 旌

聶氏胡邦晉妻年二十九而寡撫孤其立娶媳陳氏無
何其立復歿媳年方二十八與共撫二孫艱辛備歷氏
現年八十媳現年五十七道光四年同請 旌

朱氏茅坪皮賚璉妻順治三年正月寇高有材剽掠焚
殺艷氏色強虜之氏袖金揮地求脫寇取金仍挾之行
氏詈曰吾良家婦肯污節耶寇怒刃之碎其屍而去鄧
志失載茲爲補入

聶氏歸楊錫鈺二十四歲而寡茹苦養親撫五齡孤有
溱成立娶媳聶氏甫二載有溱歿妻年二十姑媳矢志
育孤孫懋秉姑卒年五十三族姪鹽法道有涵爲之傳
媳卒年七十八

黃氏歸儒童楊有灃有灃以瘵歿氏年二十七砥節養
親卒年七十七

張氏儒童聶承拔妻年二十五夫亡撫半月遺孤鞠養
成立卒年六十六孫錫純邑庠生增貢饒學澍爲之傳
舒氏貴州貴筑縣人清江舉人陳高宰貴州清溪縣暮
年失偶娶爲繼室旋引疾歸生子甫八月高病故氏年
十八自矢冰操撫孤瑩弱冠入泮娶媳舉三孫瑩短折
撫子撫孫困悴頻仍進士楊殿梓爲之傳年七十二卒
聶氏呂絲九妻年二十絲九歿家赤貧氏上事下育倍
歷艱苦卒年六十九武寧張望爲撰家傳子之桂以孝
行列人物

杜氏邑庠生大椿姑母年十七歸彭顯揚八載而顯揚
歿氏茹痛事姑撫遺腹子教養成立卒年七十五

楊氏傅尙藹妻年二十五尙藹卒家貧撫孤清操自勵
卒年六十七

彭氏歸舉人傅日麒年二十五日麒歿無子氏勵志苦
節撫猶子爲嗣年七十五卒

楊氏新淦進士鳳然女孫拔貢思震女歸清江儒童傅

默持年二十三夫亡無子氏矢志奉姑繼嗣者再年六十六卒

鄧氏新貞福建長汀縣人年十九爲清江職員王應烜妾越七載生子國樑而應烜歿氏矢志撫孤無何孤與嫡子職員國材相繼早歿氏偕嫡媳廖氏兩嫠相依撫嫡孫監生景南教養備至卒年五十四廖現年八十五楊氏歸周如游年二十六夫亡事親鞠子白首完貞卒年七十四

彭氏年十八歸廩生黃長庚長庚岱宗子有夙慧年十六卽補諸生鄉試作五經文薦而未售二十二遭瘵疾卒遺孤甫二齡氏矢志撫孤閱三載孤復殤後年逾五十始繼夫弟之子爲嗣卒年六十九

白氏黃廷訓妻歲貢生銘女廷訓卒氏年甫三十姑先歿翁齒及耄一子尙幼氏仗紡績仰事俯育卒年五十四

胡氏曾上智妻上智歿氏年二十五上事下育惟憑十指卒年七十

王氏歸馬之能之能亡氏年二十一飲泣養親鞠育孤子卒年六十一

陳氏儒童王希奭妻希奭亡氏年二十六忍死存孤食貧勵節卒年五十八

黃氏張家山張復本妻年二十七夫亡無子翁邑庠生

次振訓以大義氏茹苦孝養冰玉之操族黨推重卒年八十四以夫弟之子爲嗣

楊氏關增新妻二十六歲夫亡遺孤甫二齡氏鞠子成立卒年七十六

李氏適關增煜年二十四夫亡撫遺腹子錦臚娶媳楊氏生一孫而錦臚歿姑媳孀居紡績自給李卒年七十一楊卒年七十五邑舉人陳新民爲撰雙節傳

何氏歸程曰亨年二十八而寡貧苦撫孤至嘉慶元年九十一自知死期端坐廳堂召孫曾訣別曾孫鵬邑庠生

黃氏棖湖杜義達妻義達亡氏年二十四家貧母逼再醮誓死不從撫遺腹子成立卒年七十九義達弟智達妻黃氏年二十六智達亡叔欲奪其志峻拒之撫孤成立卒年七十五

聶氏適彭文吉年二十六夫亡氏慟欲身殉翁姑勸以大義乃紡績事育卒年七十二

袁氏楊金高妻金高客貴州卒氏時二十九歲食貧撫孤邑歲貢錢時雍爲撰傳卒年七十四

傅氏歸邑庠生鄒凌雲凌雲歿氏年二十七止遺一女勉事翁姑以夫兄之子爲嗣卒年七十七

潘氏適禮部儒士黎其松逾三載其松卒遺孤甫晬氏矢志撫育克底成立卒年七十八

劉氏株山陳榮佑妻二十三歲失偶撫孤機梭度日卒年八十四

熊氏李朝義妻朝義客貴州歿氏年十九家貧矢志撫孤卒年近五十

陳氏張家山張次鈿妻二十五歲夫亡嫠居紡織以夫弟之子為嗣卒年六十九

王氏張復樓妻二十八歲稱未亡人撫孤成立卒年五十

楊氏知縣如源女歸儒童聶景雍僅六十日而夫亡立伯氏之子為嗣者再養姑鞠嗣艱苦備歷卒年六十七

徐氏進賢縣監生聖煜女適清江監生聶景星年二十七而寡家貧勵節撫夫弟之子為嗣卒年六十

王氏年十九歸傅一櫛生子炯越五年一櫛卒氏紡績自給教子成立歿年七十一

楊氏聶學濱妻年二十一夫亡撫孤娶媳無何子媳相繼歿顧影伶仃以夫嗣未立為恨歿年五十九

傅氏適儒童鄧正賢年二十六甫生一子而夫卒氏矢志教養子盛業監生卒年六十六

熊氏故村陳維亮妻年二十五夫亡家貧守節百折不回卒年八十一

王氏陳維祿妻年二十五夫亡撫孤娶媳無何孤歿去子身紡績孀居五十餘年族罕覩其面卒年七十九

黃氏陳世偉妻世偉歿氏年二十四誓凜冰操力持門戶管束子媳孫婦綦嚴卒年八十

熊氏適陳世任方六載世任客歿泰州氏聞訃慟欲身殉轉念家貧姑老勉力奉養撫猶子為嗣平居以禮法訓子姪卒年七十八

黃氏陳世俊妻年二十九夫亡無子家極貧日啜淖糜同堂諸娣姒大半苦節而氏為之最卒年七十二

俞氏適鄒天祥年二十九夫歿家貧氏撫遺孤憑十指以給餽粥卒年七十八

黃氏生員楊景燧妻年二十八稱未亡人養親撫孤娶媳黃氏邑員外郁章女無何孤又歿姑媳相依安於義

命卒年五十六

張氏生員聶應瀾室應瀾病故氏年二十七家窶每斷炊煙黽勉紡織為事育資卒年七十二

彭氏歸聶世康年二十八而寡飲蕖茶撫二孤成立卒年五十五

孫氏歸敖其玠年二十四夫亡嫠居不出惟知養親鞠孤卒年七十八

鄒氏歸儒童傅嘉俊年二十二夫亡無子貞操自勵歷久不移夫兄監生嘉卓憫其艱獨以次子有元出繼為嗣教養成諸生氏卒年七十八

陳氏歸儒童盧紹綸年二十四而寡矢志守貞卒年七

十二舉人盧元錦爲撰傳

陽氏歸楊以鎬二十七歲夫亡忍死養翁姑撫二子皆成立卒年五十一

黃氏歸皮廷珠廷珠病歿氏年二十六勵節育孤學修娶媳沈氏沈年二十三學修歿與媳共撫孤孫尚長入太學黃卒年六十沈卒年五十五

楊氏聶司桂妻年二十九夫亡事翁姑撫幼子歷十餘載子歿再育孤孫登楨援例入監卒年六十七

傅氏適楊兆朗兆朗客楚病歿氏以夫兄弟六人無嗣者五矢志撫遺孤克延宗祀年二十七守節卒年六十七

熊氏王朝渙妻年二十二朝渙歿遺週歲孤氏矢志鞠育孝養尊嫜卒年六十四

何氏歸儒士傅嘉尙嘉尙亡氏年二十八泣欲殉夫轉憫雙雛無依忍死鞠育俾紹宗支卒年六十六

周氏楊文超妻年二十九文超病篤囑以事親撫孤及卒氏捨階觸柱欲身殉姑曰爾忘爾夫臨終言耶縱不爲老人計如此呱呱何於是忍死供職紡績以給養殮卒年五十三

傅氏郡庠生一杭女適庠生楊曰蘅曰蘅歿氏年二十五矢志養姑課子次子俊邑庠生俊子如雲短折妻龔氏食貧撫孤能不愧其祖姑學博錢時雍爲撰楊氏二

節婦傅傳卒年六十二龔現年七十

龔氏儒童謝紹昌妻年二十七紹昌歿遺孤三勵志鞠育課讀有成幼子狝邑庠生卒年六十一

劉氏新淦 贈修職郎世求女年十七歸清江城內范之渭甫三載之渭病故氏誓欲身殉姑慰曰爾名門女明大義何忍置此呱呱者由是抑哀聽命養姑鞠子子歿立叔翁先聲之孫爲嗣卒年六十三

王氏新喻人歸清江鄧名立事嫠姑甚謹年二十八夫亡孤僅四齡氏紡織撫鞠俾克成家厥後孫曾蕃衍卒年八十四

壽婦楊氏豐城人清江胡毓珣妻生於康熙五十九年

至嘉慶二十四年登百歲族隣報縣存案同鄉巡撫楊懋恬書聯額獎贈子孫曾元蕃衍近百口二十五年卒計年百有一歲

聶氏徐士達妻士達客遊常德府卒氏年二十八聞之搶地求死以夫未立後忍死持家撫夫弟之子爲嗣卒年六十六

傅氏 例贈武畧騎尉兆澤女歸徐憲章年二十一憲章客歿巴陵氏聞觸柱幾死旣恐宗緒不承勉就飲食數月遺腹生子殫力撫養俾克成立卒年五十四

徐氏楊文遠妻文遠商四川旋歿氏聞慟欲身殉轉念老姑需養三歲兒無依忍死事育卒年七十八

壽婦

傅氏年十七歸監生楊秉謙越七載秉謙亡撫二孤勤儉自力爲之婚配卒年五十六

曾氏歸謝天衢孝謹安貧年二十九失所天鞠三齡孤紡織操作中道子媳繼歿稚孫復溺水死撫姪孫以承其嗣茹苦含辛老而彌甚卒年六十八

聶氏荆林廩生振林女字九塘監生陳耀祖之子廷瑚年十六廷瑚殤氏聞訃水漿不入口者數日堅請歸陳守制三載服除投井死

金氏歸陳璞年二十五璞歿矢志鞠子敬奉翁姑卒年五十

鄒氏儒童陳維統妻維統歿氏年二十五誓以身殉姑曰殉夫易育嗣難汝盍爲其難者於是拮据撫孤一子四孫俱賴成立卒年五十四

鄧氏歸謝其珍年二十二而寡孤開明方七齡典衣課讀及長娶媳張氏生一子而開明歿張氏年二十九遺孤孑立鄧謂曰姑媳饑可忍兩世只此孤善哺之以延一脉鄧卒年七十一張現年六十四

黃氏歸聶宗巍宗巍客歿湖南氏年廿三家貧養姑撫育子女紡織所餘爲支親營葬卒年七十孫英恩貢生桂氏生員黎學會配學會亡氏年二十八矢志撫二孤長立德入邑庠先後及次孤俱短折再撫諸孫延師課讀卒年六十一孫作瑞亦庠生

鍾氏適本城喻文光年二十九而寡家貧紡績教育四子知府潘隴賞額節壽雙高卒年八十三迄今孫曾藉蔭補諸生者五人

唐氏廖慕仁妻年二十一而寡勵節撫孤卒年六十一
廖闢懦妻陳氏年二十四而寡撫孤女誓志不移卒年六十三
廖維成妻陳氏年二十八而寡無子遺一姪甫三齡食貧撫鞠克延宗祧卒年六十六

羅氏歸盧可蒙年十九夫亡勵節撫孤貧不餒志卒年八十三

王氏適皮鍾錦年十九夫亡遺腹一子艱辛鞠育孝事孀姑卒年七十三

楊氏貢生聶錫命配年二十九而寡撫孤成立事舅姑以孝聞和諧妯娌周恤姻黨人無間言卒年五十二
楊氏鄧源默妻年二十七而寡孝事舅姑撫幼子成立卒年六十六

楊氏貢生鄧之和配之和卒氏年二十四僅遺二女氏矢志守貞卒年八十四

劉氏適雙塘陳方厚年二十八而寡紡績撫孤卒年六十九

周氏張文秀妻年二十三而寡艱難撫孤不替厥志卒年八十二

陳氏龔以信妻年二十九而寡無子勉事翁姑爲夫立

嗣卒年五十五

陳氏劉曰暹妻二十八歲夫亡守志鞠孤卒年五十二
何氏適陳從繁年二十七而寡誓志鞠二孤卒年六十
四

楊氏熊運紱妻年二十九而寡以織紉供事育卒年七
十五

譚氏張德埴妻德埴客死滇南氏年二十六茹荼鞠孤
卒年六十

余氏甘爲良妻年二十九而寡食貧鞠子卒年七十七
熊氏歸張從善年二十七而寡遺二孤在襁褓辛勤鞠
育課以學長藩次芳俱補諸生卒年七十七

李氏適黃開企年二十七開企卒鞠遺腹子成立無何
子客死於黔再撫孤孫卒年七十七

彭氏儒童黃晟妻晟祖垣進士父文德附貢世攻舉業
晟以攻苦歿無子氏年二十二矢志事親撫幼叔煦補
諸生卒年七十二煦感氏德以次子式銘爲氏後

楊氏儒童黃開容妻年二十七稱未亡人家貧紡績養
舅姑撫二子歷觀五代卒年八十八

黎氏適庠生敖守績守績客楚暴卒氏年二十五聞訃
一慟幾絕柩返停村右氏夜半至柩所不欲生姑責以
有娠忍令夫再亡乎彌月舉子辛苦課讀子十四齡頗
能文氏曰可報吾夫於地下矣絕粒數日卒峽江習振

清江縣志 卷十八
翎奉新趙敬襄先後爲撰詩傳

楊氏周廷枝妻年二十守節杜門操作卒年六十

聶氏適廖起年二十二起亡氏矢志事育卒年八十六
子克昇監生

皮氏陳國儀妻年二十四而寡勵志守貞祖姑患目盲
起居扶持不少懈以紡績備滌澹撫孤子成立卒年六
十九

黃氏歸儒童饒崇禮二十四歲而寡克勵貞操撫孤成
立卒年五十一新淦拔貢董正爲之傳

劉氏年十八歸彭家塾甫兩月家塾卽外出客死粵東
氏聞訃泣解簪珥迎櫬歸葬孝養翁姑撫夫弟子爲嗣
卒年六十七

熊氏歸金遠猷遠猷亡氏年二十矢志事育困悴不辭
卒年五十一

熊氏皮登輒妻年二十一夫卒奉事翁姑鞠育子女卒
年五十四

饒氏儒童廖經廷妻年二十九而寡家貧撫三歲孤斷
機勉讀卒年六十

洪氏本城拔貢文炳長姊幼讀書明大義爲母節婦陳
氏所鍾愛年十七歸澄山黃三越七年而寡矢志事翁
姑撫二子動循禮法卒年六十

楊氏傅方祥妻幼隨父寓於蜀年二十方祥往就婚生

子懋鶴甫五齡而方祥歿氏攜子扶櫬歸里孝養孀姑督子以學補諸生卒年近五十

陳氏儒童杜登庸妻登庸以攻苦嘔血亡氏年二十六遵姑命矢志撫孤年八十卒

黃氏聶邦柱妻年二十九夫亡撫二孤俱成立卒年六十七

楊氏王興輝妻年二十八而寡廿貧撫孤卒年八十四

呂氏年十九歸黃軼羣五載而夫歿遺腹生子錫坦長課以學援例入監卒年八十二

李氏聶兆麟妻年二十九夫亡仰事俯育克盡孝慈卒年七十五

楊氏年十九歸龔奠才越十載夫歿撫二子養翁姑卒年六十三

黃氏儒童謝光瑛妻光瑛賣志歿氏年二十四撫孤訓讀冀成夫志子秉鎮入邑庠卒年六十五

傅氏劉善才妻年二十四而寡撫三齡孤憑十指以供事育卒年五十二

黃氏庠生翔輝女年十八歸聶纘五載而纘歿遺孤二幼者復殤撫長孤不辭勞瘁卒年五十

劉氏鄒宗漢妻宗漢歿氏年二十八孝養翁姑撫三子俱成立嵐監生守璉庠生卒年六十八

周氏貢生敖思邱妻二十九歲而寡孝養重幃撫孤訓

以學籍成均卒年六十七

皮氏陳明時妻明時賈寓湖南湘陰縣氏隨往生一子而明時歿氏年二十五以子託家人誓以身殉家人守之數日氏紿曰死節易守節難吾亦欲爲其難者守稍懈遂自縊死與夫同葬湘陰初並作兩壙下棺時中土忽崩遂同一穴

徐氏張立峯妻二十六歲而寡以翁姑命忍死撫三孤俱成立卒年五十四

敖氏蕭朝銓妻朝銓歿氏年二十六矢節撫孤年六十七卒

陳氏敖守綿妻年二十九而寡撫二孤訓以學俱次第補諸生卒年六十九

羅氏年十八適熊如源八載而夫歿艱難撫孤卒年五十八

楊氏鄧源焜妻年二十八夫歿遺孤甫半歲上事下育備歷艱辛卒年五十八

陳氏傅廷極妻廷極歿無子氏年三十矢節養姑撫夫堂姪爲嗣娶媳生孫無何子婦相繼歿再撫孤孫卒年七十一

盧氏熊廷東妻二十八歲夫亡撫孤成立卒年六十九
張氏年十八適楊思暹思暹客死彭澤縣氏聞訃哀慟不食遂自縊死

鄧氏 贈登仕郎日璠女年十七歸楊邦楠越十二載夫歿安貧守志撫三子皆成立卒年五十一

彭氏年十七適鄧唐業九載而夫亡僅遺一女矢節養姑撫猶子爲嗣卒年五十七

李氏黃惟煜妻年二十六而寡家窶甚舅諭以改適不從遂獨居撫孤紡績自給卒年七十六

傅氏歸蕭承鍾二十四歲而寡養姑撫子力持門戶督冢孫學游黌序年九十一卒女適鄒文明年二十一守

節至八十六而卒孫女適敖庭選年二十四守節至六十二而卒曾孫女七守節者三長卽生員陳學沆妻嘉

慶十四年 旌表之節婦也三適鄒本一二十九歲守節現年六十五七適傅佳五二十六歲守節現年六十

家風繼美人以爲皆傅氏賢節所致

黃氏鄒宗源妻年二十六而寡撫孤峻遇籍國學旋歿媳胡氏年二十四共撫孤孫黃卒年七十八胡現年六

十

范氏周世煌妻年二十五守節家貧無子紡績度日卒年六十九同族周如柏妻熊氏年二十七守節撫夫兄子爲嗣現年六十一

聶氏楊邦軸妻年二十四邦軸病故氏屏粧飾誓志守貞以夫從子爲嗣現年五十七

胡氏陳彥修妻年二十一彥修卒自矢貞操杜門紡績

現年六十一

黃氏歸儒童關錫珪錫珪以攻苦病歿氏年二十一遺孤甫睟椎心泣血忍死事翁姑課子勤習舉業現年五十八

彭氏歸張睦拱年二十六睦拱卒慟欲身殉旋以遺孤無依勉事撫鞠現年六十六

黃氏知縣垣女孫適徐曰晨先是祖翁及翁好施與家遂落曰晨亡遺八月孤氏年二十三以紡績事兩世姑嫜養葬俱盡禮課遺孤芝秀學補邑諸生現年五十五謝氏程坊黃時發妻年二十四而寡家貧無子父母諷令改適氏遂絕跡不歸母家紡織自給現年六十五

黃氏熊濟世妻旌表節婦盧氏之媳濟世歿時氏年二十四善事孀姑力持門戶撫周睟孤兆文長入大學現年六十六

余氏儒童謝光珪妻年十九夫亡遺腹生子秉涵娶媳劉氏秉涵復早歿姑媳孀居撫孤孫課以學余現年六十三劉亦守節十七年

祝氏儒童黃澗選妻年二十三夫亡甫生一子氏拮据鞠育現年五十

桂氏新喻人清江儒童郭世拱之妻 旌表節婦傅氏之媳年二十二夫亡無子矢志養姑撫猶子爲嗣兩世孀居現年六十四

楊氏本城邑庠生春魁女適本城劉贊周贊周亡氏年二十二遺一子一女撫育嫁娶無何子女繼歿與媳相依孝養衰姑喪葬俱盡禮現年六十九

黃氏楊壽然妻年二十三壽然歿無嗣比勸翁榮拔置妾熊氏生子發然翁姑相繼歿氏偕庶姑撫四齡幼叔教養授室舉子二以長子爲壽然嗣一門雙節鄰里稱之氏現年五十七熊二十歲守節現年五十一

楊氏刑部員外郎學光之從姑母年十八適徐竹峯甫十載夫亡食貧勵節孝養翁姑現年七十四

劉氏新淦人原任萬年縣教諭佳偉女歸清江儒童關智未七載關智病歿氏年二十六養親撫孤人無間言現年五十九

張氏年十六爲儒童傅如雲妻越二年如雲卒氏矢志養翁姑撫猶子艱辛備歷現年六十四

熊氏 馳封朝議大夫景蕭女適東里黃廷昫年二十五廷昫歿無子時翁世儀任四川知縣明年翁卒任所柩歸宦囊如洗氏喪葬盡禮事繼姑羅氏惟謹現年五十六

甘氏黃光隣妻年二十八夫亡子尙襁褓氏竭力撫養至於成立現年六十一

陳氏杜朝碧妻年二十七夫亡事衰姑育稚子困瘁不辭現年五十一

曾氏歸棖湖杜朝宣朝宣亡翁亦繼卒氏甫二十五歲孝養衰姑始終如一現年五十二

楊氏土湖余元晏妻年二十三夫亡守節紡績鞠子現年六十二

杜氏歸儒士余廷遇廷遇亡氏年二十八誓志守貞翁鄉飲賓元星老患目盲奉事惟謹長子歿與媳同居課幼子盛藻讀補邑庠生現年五十

謝氏儒童胡大生妻二十六歲而寡遺孤亦殤氏飲泣養翁姑艱貞白勵現年五十五

鄒氏適曾朝宇年二十四夫亡撫孤兆瑞娶媳黃氏甫生孫而兆瑞歿媳亦孀居又夫弟朝林亡妻皮氏甫二

十一歲無子守節一門三寡各勵冰操鄒現年五十八皮現年五十黃亦守節十六年

楊氏儒士聶之皓妻二十三歲孀居甘貧孝養翁姑喪葬無失禮一子病瞽撫摩提抱藉以成人現年六十

席氏棖湖杜廷銳妻廷光歿氏年二十八甬勉女紅鞠二子俱成立現年八十二

謝氏高安縣監生謝榮女爲清江監生熊開澂繼室年二十五而寡事祖姑及翁姑俱盡禮撫孤成立現年六十七

陳氏周如錦妻年二十四而寡孝事姑嫜撫遺腹子克綿宗緒現年六十四

陳氏儒童游之煦妻年二十六之煦卒孝養繼姑鞠育
二子現年五十七

饒氏監生一將女歸傅方瀛年二十五夫亡遺孤方六
齡姑七十矢志事鞠現年六十三

張氏生員本翰姊歸武生楊映源映源歿氏年二十四
遺一女家無寸產藉紡織以養翁姑撫猶子爲嗣嗣短
折再撫孤孫現年六十八

楊氏歸呂成燃方三月成燃卽客遊旋外卒氏年二十
一翁姑早亡家窶甚勵志守貞憫堂姪幼孤撫之如己
出教養成人現年五十二

楊氏傳其友妻廩生傅顯叔母年二十七夫亡甘貧鞠
孤現年六十六

程氏王維珍妻年二十五夫亡無子母家欲奪其志氏
自誓守貞孝事翁姑撫夫兄之子爲嗣現年六十二

姜氏監生開職女歸儒童盧紹柳年二十七夫亡遺孤
纔彌月誓志撫孤紡績自給現年七十一

熊氏張天榜妻天榜病歿氏年二十六立志撫孤事翁
姑以孝聞現年七十三

程氏歸監生楊以鋌二十四歲而寡矢志養翁姑現年
六十九

楊氏適熊景鐘景鐘亡氏年二十三遺四歲孤家徒壁
立茹苦鞠育現年六十三

熊氏適楊仕認年二十七夫亡事翁姑撫二子艱苦倍嘗現年六十六

周氏適王之藝年二十九之藝卒遺週晬孤家甚貧窶或諷以他適氏怒斥之苦身節食鞠子成立現年六十九

何氏鄉上道妻年二十九夫亡矢節撫孤現年五十三熊氏監生膺女年二十適郡庠生彭定勲越五載定勲歿姑若勵操立族姪爲嗣現年七十八

謝氏適熊臣鐸年十九夫亡無子矢志事翁姑撫猶子爲嗣現年五十五

喻氏邑庠生璵箴孫女年十八適熊臣堯甫三載臣堯

病卒養姑鞠子艱辛倍嘗現年五十六

聶氏適熊廷岐年二十八夫亡上事翁姑下撫二子苦節自甘現年六十二

何氏年十六適熊運德越二載夫亡無子甘貧守志百折不回現年六十

王氏熊廷傑妻年十九夫亡遺孤甫數月家無寸產矢志鞠子紡織爲生現年五十五

辛氏豐城人年十七歸龔如瑛未半載如瑛赴衡越七載歸病歿無子氏矢志守貞撫夫兄次子爲嗣事姑維謹現年六十二子波監生

胡氏本城職員秀龍女歸本城范先聲爲繼室先聲亡

遺前室子僅七齡氏年十九茹痛撫孤不以異腹視孝事老姑喪葬盡禮現年六十一

張氏歸陳欽僕欽僕亡氏年十八撫一歲孤家徒壁立資十指課子讀現年七十九

楊氏皮萬春妻年二十三甫舉一子而夫歿茹痛鞠孤艱苦不易節現年五十三

劉氏熊秉璜妻年二十九夫亡飲泣鞠孤翁姑先歿孝事祖翁姑克全婦職現年七十六

彭氏年十八適王興燧甫四載興燧歿氏誓志守節服事姑嫜撫立夫兄次子成室復歿子守孀閨現年五十九

楊氏張啟江妻啟江歿氏年二十六食貧哺子養姑姑患瘡劇爲吮出穢血數升姑疾瘳而氏數月患口疾偶夜半鄰燬鬱攸家人俱搬避氏以昏黑引嫌闔扉俟命火延燬四週居獨無恙咸謂孝感所致現年五十六
傅氏謝壽光妻二十五歲夫亡孝事舅姑鞠育孤子現年六十五

傅氏歸儒童謝紹續紹續亡氏年二十三孝養嫠姑鞠孤子勉以學現年六十一

杜氏熊運崑妻二十六歲夫亡養衰姑鞠三子紡績自給現年七十六

楊氏適湖莊聶兆楠二十五歲而寡遺腹生次子灼仰

事俯育節孝兼全長子炳宸邑庠生知府朱淥贈額曰
壽世懷清現年五十二

彭氏蕭維袁妻年十九夫亡矢志事育子之煌監生現
年五十四

傅氏新喻舉人作楫孫女增生夢圖女年十六適鄒兆
締兆締亡氏年二十九兩孤繼殤僅畱一歲稚孤鞠育
成立現年六十一

彭氏新淦生員逢春女歸聶湘湘亡氏年二十四無子
家赤貧紡織爲生撫夫兄之子爲嗣現年六十五

崔氏職員楊懋瑗妾懋瑗病歿氏年二十五勸欲身殉
主翁鹽法道有涵諭以大義俾撫二孤竝嫡子附貢熙

芳均賴成立現年五十七

孫氏適儒士聶兆熊兆熊歿氏年二十二矢志靡他勤
勞事育現年六十

關氏儒童周邦達妻年二十六夫亡守節老姑呻吟牀
蓐侍奉維謹鞠子成立現年六十

龔氏謝之笙妻之笙卒氏年二十四遺一女守節養姑
姑病瘧痢目不交睫者四十餘日後復患足疾扶掖起
居始終無倦夫兄弟各以一子爲嗣氏兩撫之現年五
十一

鄧氏武生陳廷梅妻年三十廷梅歿泣血撫孤旣授室
舉二孫而孤歿遺腹復舉一孫氏字孤再世偕媳贅居

老姑臥病暮年左右調護刻不忍離現年六十二

杜氏儒童楊長紀妻年二十一夫亡家貧守志養老鞠

孤惟憑十指現年五十一

龔氏職員持紉女年十八適監生李家修三載家修亡

遺腹生一子仰事俯育惟資紡績孤既娶而殤氏隻影

伶仃辛苦萬狀現年七十

楊氏陳廷順妻年二十八夫亡守節撫二孤俾各成立

現年五十七

謝氏歸張先潔年二十二先潔亡撫孤二長僅三齡幼

甫四月辛勤撫育紡績養姑現年五十八

張氏楊敏真妻敏真亡氏年十八遺腹生一女翁姑在

堂忍死侍養現年五十五

傅氏曾錫慶妻年二十二夫亡撫姪成立卒年五十一

黃氏沈宗圮妻年二十六而寡啣哀守義孝養翁姑現

年五十六

熊氏楊光宇妻年二十九光宇歿撫遺孤成立孝事老

姑脩膳均藉十指出現年六十

程氏范雲衢妻年二十五夫歿撫孤心膂為娶張氏年

十九而心膂歿兩世孀居相依為命程氏現年五十七

聶氏周光紋繼室年二十九而寡無子撫猶子學沼課

讀補諸生現年五十四

劉氏聶欽燦妻年二十五夫亡矢貞不二現年六十六

清江縣志 卷之八
周氏監生傅松妻年三十而寡孝養翁姑艱難持戶現年七十九

劉氏歸儒士傳承紅年二十二夫亡守節備歷艱辛現年六十六

張氏盧悅然妻年二十七夫亡僅遺一女家赤貧翁姑諭令改適氏誓死不二現年六十一

鄧氏皮登籍妻年二十四而寡遺襁褓孤矢志鞠育現年五十二

劉氏歸傅曰興年二十九曰興歿遺子女在抱家甚貧以紡織力持門戶現年六十一

熊氏錢敬成妻年二十九而寡紡績以養翁姑撫猶子為嗣現年七十四

周氏歸儒童徐有持有持以攻苦致疾卒氏年二十九矢志養翁姑撫六齡孤以貲入監現年六十

周氏生員逢盛女適傅瓊甫瓊甫客遊漢鎮歿氏年二十七遺一孤繼殤撫族姪為嗣現年五十一

鄒氏武庠謝中孚配年二十七夫亡無嗣外家諷令改適氏抱粟主置笥中曰吾守此以終決矣撫姪承祀現年六十八

楊氏歸張友猷友猷卒氏年二十二僅遺一女撫姪為嗣養姑維謹現年五十一

楊氏張家奎妻夫亡氏年二十二撫三歲孤孝養舅姑

貧不易志現年五十九

壽婦皮氏下瀨儒士龔士良妻年九十一五世同堂

郭氏年十九歸聶繪事孀姑以孝聞越八載夫歿撫四歲遺孤紡績白給現年六十九

曾氏姜曰桂妻舉二子而曰桂亡紡績撫孤足跡不履戶外現年五十八

劉氏聶廷標妾廷標亡氏年十九與嫡室鄒相守主翁淑儒壽登百歲氏委曲奉養撫廷標弟武舉薪之子振翎承祀振翎廩貢生氏現年五十七

盧氏歸儒童嚴學泮學泮以攻苦積勞歿氏年十九撫遺腹子藉女紅以養翁姑現年七十

陳氏適儒士龔上昇家窶甚以紡績資夫讀上昇病革時戀戀以孤子爲慮氏年二十九跪夫前曰膝下五歲兒妾敢不任其責艱苦守貞非妯娌罕見其面現年五十八

甘氏余貴橐妻年二十八而寡勤女紅以供事育孤子歿撫孤孫成立現年七十三

楊氏黃君佑妻君佑亡氏年二十二矢志鞠孤事舅姑以孝聞現年六十二

黃氏適中坊謝茂臻年二十夫亡撫遺腹子拮据持家現年五十五

王氏黃君林妻君林客湖南病歿氏年二十五勉力撫

孤現年五十八

敖氏鰲坊李來幟妻年二十七而寡家赤貧翁姑齒暮以紡績供甘旨自餐糠粃撫二孤均成立現年六十五謝氏張紹裕妻紹裕賈黔地歿氏年二十九翁姑在堂矢志孝養撫孤成立現年七十二

楊氏歲貢仕升女適陳家坊陳幹植年二十八而寡遺孤二氏矢志鞠育事嫠姑以孝聞勤儉所積推以濟鄉鄰現年六十五

龔氏邑庠生曹日陞妻武生昕之母二十七歲而寡孝養翁姑和諧娣姒人無間言現年六十五

鍾氏曹啟猷妻結褵未一載啟猷客滇南卒氏年二十

七聞訃慟不欲生既念老姑需養勉循婦職且爲夫立嗣現年五十七

揚氏儒童余元璉妻年二十六夫卒艱難撫孤既娶媳而孤殤兩嫠相依糧無隔宿萬苦不辭現年五十六

李氏黃文縵妻年二十四夫亡食貧砥節事翁姑養葬無失禮教育嗣子成立現年五十七

廖氏儒童陳洪莘妻年二十二而寡舅姑待養一子方二齡事育之責氏以一身肩之既爲子堅植娶媳廖氏而堅植旋歿兩世嫠居撫姪孫爲嗣氏現年七十二媳現年四十九

徐氏毘澤謝志俊妻志俊亡氏年二十七遺孤在抱翁

姑暮齒氏仰事俯育孝慈兼盡現年五十三

唐氏黃紹周妻年二十五紹周亡遺二歲孤矢志鞠育
孝養衰姑子既長能貿易有所積輒推以濟貧窮現年
七十二

羅氏聶日芳妻日芳身故氏年二十二安貧紡績雖酷
暑嚴寒不少間鞠子成立現年六十一

皮氏彭之澧妻年二十五之澧歿誓不再適紡紉以給
朝夕現年六十九

黎氏彭之洛妻洛亡氏年二十九遺腹生一子矢志鞠
育現年五十八

熊氏歸楊邦極年二十九而寡鬢以持戶撫孤成立迄
今孫曾繞膝咸謂苦節之報現年七十一

盧氏適彭士宸年二十五士宸卒遺二孤氏紡紉養姑
鞠二子俱歿再撫孤孫現年七十八

李氏本城劉明遠妻年二十三明遠亡遺半歲孤氏勵
志鞠育事翁姑以孝聞現年六十

熊氏歸皮泰瑞年二十八而寡矢志撫孤綸長入貲爲
監生諸孫俱讀書應試現年六十二

彭氏劉淑尊妻年二十八而寡撫孤成室孤歿再字孤
孫成立現年五十四

王氏儒童楊志堯妻年二十五志堯賫志歿氏杜門紡
績撫二孤俱成立孀居二十一年

清江縣志 卷十八
楊氏監生黃御能妻年二十九御能病歿氏誓不再適
撫二孤俱成立現年五十

聶氏葉秉棟妻年二十夫與姑並亡上事老翁下撫二
稚孝慈克兼現年五十六

張氏儒童傅承期妻承期歿氏年二十八勉力訓孤冀
成夫志現年六十一

孫氏毛興伯妻二十六歲而寡撫二子次子世希入邑
庠現年六十四

李氏歸皮以職以職歿氏年二十八無子與姑共撫夫
弟後以夫弟次子蔚然爲嗣補諸生現年八十三

李氏孫雲嵩妻年二十五夫歿孝養翁姑現年六十二

傅氏敖錫祿妻年二十四而寡事姑撫子現年五十二
簡氏黎以善妻夫歿氏年二十八矢志事育現年六十

楊氏沈惘晒妻年二十一夫亡紡績撫孤爲之娶婦生
一孫而孤歿與媳相守現年七十四

章氏年十八適張盛恆二十七而寡撫三子孝養翁姑
現年五十一

彭氏皮尙剪妻廖氏皮時亮妻俱青年守節彭無出廖
撫孤現年俱七十三

聶氏年十八適王興諗十載夫亡無出撫猶子爲嗣現
年七十五

熊氏周晴安妻晴安歿氏年二十遺腹生一子勉力撫育以慰姑心現年六十二

熊氏年二十歸王朝祠八載而寡撫二齡孤苦節三十餘年現年五十八

張氏傅懋熾妻年二十八守節歷二十九年孝慈無忝現年五十六

范氏楊鑑明妻年二十一而寡撫孤旋歿誓心無悔現年六十二

程氏陳帝輝妻年二十四夫亡一子早歿立志養姑撫夫弟之子爲嗣現年五十八

陳氏徐發瑞妻年二十五而寡撫遺腹子紡績度日現年五十七

聶氏年十五適黃學濬五載而夫歿甘貧撫孤現年七十六

任氏周宗儒妻年二十八夫亡子亦相繼歿忍死事翁姑撫夫弟之子爲嗣現年七十八

楊氏適何茂南茂南卒氏年二十四矢志養姑撫遺腹子成立現年五十二

周氏彭廷勳妻鄔氏豐城拔貢洪辰女邑武生楊飛雄妻俱青年守節養親撫子周現年五十鄔現年六十一謝氏年十六適孫立功二十五而寡撫二孤孝養翁姑現年六十四

南氏危榮拔妻年二十四夫亡力貧撫孤現年七十
鄒氏黃興讀妻王氏甘良堦妻劉氏傳以萬妻俱青年
守節事育兩全鄒現年六十三王現年六十一劉現年
五十五

黃氏年十五歸聶兆顯二載而夫亡遺孤甫週歲矢志
撫育現年六十六

彭氏孫爾安妻年二十七而寡無子與姑共撫夫弟紡
績以供朝夕現年六十二

黎氏蕭如琴妻如琴歿氏年二十八翁姑在堂子甫一
歲矢志事育現年八十二

敖氏陳體讓妻體讓得廢疾氏侍疾不解衣者三年及

歿氏年二十六養親鞠子鬢以持戶現年五十六

曾氏雷永泉妻年二十五而寡矢志事育現年六十一

楊氏游逢年妻二十四歲而夫亡撫一歲孤孝養翁姑
現年六十二

敖氏年十四適聶士蓮十載而夫歿遺孤四齡撫之成
立現年五十四

譚氏陳嘉誦妻年二十六夫亡食貧撫孤現年六十九

何氏熊式彥妻程氏彭曰妻夏氏張陸通妻李氏楊守

惇妻甘氏余念靈妻俱青年守節養親撫孤何卒年六

十一程現年七十二夏李俱現年逾六十甘現年五十

黃氏劉廷遠妻年二十七廷遠歿家徒壁立艱難撫孤

現年七十二

熊氏曾日俯妻傅氏簡以楠妻龔氏何仰璋妻何氏彭之杞妻俱青年守節養親撫孤熊卒年五十五傅現年六十龔現年五十一何現年七十三

盧氏楊第棟妻年二十七而寡家貧無子苦節自甘現年六十七

胡氏盧方驪妻年二十七夫歿撫一歲孤艱苦備歷現年五十一

劉氏年二十適管宗林甫一月宗林外出數月病歸逾月而卒氏慟欲身殉念翁姑待養忍死以奉朝夕撫夫兄子爲嗣現年六十八

廖氏楊松柏妻夫亡年二十二矢志奉翁姑督子成立現年六十二

傅氏張光緯妻光緯歿無子氏年二十四矢志養姑撫猶子爲嗣現年五十八

余氏字張誠孚婚有期矣而誠孚病歿氏聞訃慟不欲生父母諭以全身守節卽毅然奔喪養姑撫姪苦節已三十餘年

余氏楊采順妻陳氏蔣仁裕妻金氏武生蔣鳴妻朱氏呂振典妻俱青年守節惟金氏朱氏有孤可撫陳立繼余但倚一女而已現年俱逾五十

徐氏蔣如瑜妻年二十六而夫亡養翁姑撫夫兄子爲

嗣現年六十四

熊氏監生張睦淳妻睦淳歿氏年二十八孝養翁姑撫
二孤成立現年六十九

劉氏歲貢生光女邑庠生彭震妻震攻苦邁疾卒氏年
二十九養親鞠子克盡孝慈現年七十九

譚氏年十八適楊績祔甫半載績祔遠貿四川十二年
歿於外氏聞訃欲殉已念夫祀撫猶子爲嗣現年六十

一
胡氏熊仰魁妻毛氏陳殿棧妻楊氏沈持量妾吳氏皮
吉信妻俱青年守節養親撫孤胡卒年五十一吳卒年
七十六毛氏楊氏俱現年逾五十

聶氏張光侃妻徐氏張光勸妻聶二十七守節養姑教
子卒年五十六徐二十四守節撫二子成立卒年五十
一又張祖棣妻彭氏張光宋妻皮氏張光佐妻盧氏張
光杰妻羅氏俱青年守節撫孤有成現年逾五十

二傅氏一適敖接聖年十八守貞撫三歲孤事姑以孝
聞現年五十九一適周若川年二十四守貞無子事翁
姑亦以孝聞現年六十三

唐氏年十七歸周定沅越二載而定沅歿無子氏矢志
養翁姑族伯生員定魁憫之以次子爲之嗣現年五十
蔣氏周如蘋妻年二十九而寡立志撫孤現年七十二
毛氏何望隆妻年二十一而寡養姑撫子守節二十一

年卒

謝氏附貢生楊壽桐妾壽桐卒上有老母繼室熊氏生子學營僅六齡氏事母及熊備極孝謹已而母與熊俱故氏爲學營籍名大學娶妻熊氏生子均瑜甫八月而學營復卒熊與氏相依爲命撫均瑜長入成均娶陳氏不數載均瑜竟死無後氏爲立壽桐從孫之子爲均瑜嗣偕熊陳同心鞠育道光四年氏年六十熊年五十一楊氏之族爲遵例請旌

聶氏知縣掄魁女年十七適教諭楊壽元長子學營五載學夔卒氏孝養舅姑撫夫弟之子爲嗣現年五十一

